

ինչպէ՞ս գործադրեմ Նախիջևանին յատկացած գումարները: Նախիջևանսկին հարկադրւած է վերադառնալ: Անգլիացիք գրաւեցին Մակինսկիի վագոնը»:

Ու երեք օր յետոյ, մայիս 4-ին, իրար յետևից քաշում է 2 հեռագիր: առաջինով հաղորդում է. «Հայկական զեղերը ուղևորեցին դէպի Նախիջևան: Հայաստանի վրա ճնշում գործ դնելու համար անհրաժեշտ եմ գտնում, որ անյապաղ հայկական սահմանների վրա կենտրոնացեն մեր զնդերը: Նախիջևանի ազդարնակութիւնը պատրաստ է ցոյց տալու դիմադրութիւն... Դիլիջանում կանգնած է միայն 4-րդ գունդը՝ թերի կազմով»: Երկրորդ հեռագրով խնդրում է. «Շտապ պատասխանեցէ՛ք 29 ապր. № 72 հեռագրին: Նախիջևանցիները ինձ հարցնում են՝ ինչպէ՞ս վարւել, և արդեօք Ազրբէջանը օգնութեան կը դա՞յ, եթէ իրենք հայերին դիմադրութիւն ցոյց տան»:

Մայիս 5-ին Բագուի կառավարութիւնը պաղ ջուր է լեցնում Խան Թեքինսկիի գլխին. արտ. գործ. նախ. պաշտօնակատար Զիաթխանովը հեռագրում է. «Դէպի Նախիջևան զօրամասեր և կամաւորներ ուղարկելու մասին ներկայումս խօսք լինել չի կարող. այդ հարցը եռանդուն կերպով քննուած է կառավարութեան և (խորհրդարանի) աւագների խորհրդի մէջ: Հետևանքը կը հաղորդեմ: Եռանդուն բողոքեցէ՛ք Նախիջևանը գրաւելու նպատակով ձեռնարկող ամէն տեսակ գործողութիւնների և Ազրբէջանի ինքնիշխան իրաւունքների նսեմացման դէմ»:

Իսկ մի օր յետոյ, մայիս 5-ին, վարչապետ Խան Խոյսկին հրամայում է. «Անյապաղ կապ հաստատեցէ՛ք Կարսի կառավարութեան հետ: Ցոյց տէ՛ք նրան ամէն տեսակ աջակցութիւն. իմացէ՛ք, թէ ի՞նչ կարիք ունի. հեռագրեցէ՛ք մեզ, որ անհրաժեշտ միջոցներ ձեռք առնենք»:

Թեքինսկին Նախիջևան է ուղարկում իր զինւորական կցորդին ու գործավարին, որ ոտքի հանեն մահմետականներին: Եւ մայիս 9-ին հեռագրում է. «Մինչև ապր. 27-ը զինւորական կցորդն ու գործավարը պէտք է Նախիջևան լինէին, բայց նրանցից դեռ տեղեկութիւն չի ստացւած»:

Մայիս 12-ին Թեքինսկին դրամ և իր ռոճիկն է պահանջում վրդովւած. «Ես պարտական չեմ առանց ռոճիկի ծառայելու և ստանալու աւելի քիչ, քան միւս զիւանադիտական ներկայացուցիչները: Գործի օգուտը նկատի առնելով՝ չպէտք է սահմանափակէ՛ք իմ ծախքերը: Եթէ իմ ծախքերը մեծ էք համարում, խնդրում եմ ինձ յետ կանչէ՛ք և փոխարինէ՛ք ուրիշով, մանաւանդ որ ես Խոյսկիի հետ պայմանաւորւել եմ Երևանում մի ամսից աւելի չմնալ»:

Մարդը եկել էր մի ամսում Հայաստանը տալն ու վրա անելու և հեռանալու:

Թեքինսկիի օնդումները վրա Բագուի կառավարութիւնը մայիս 18-ին նորից պատասխանում է, որ «հանգամանքների բարեացման հետևանքով՝*) Նախիջևանցիները մօտ ապագայում չեն կարող մեզանից սպասել զինւորական իրական օգնութիւն: Եթէ տեղական բնակչութիւնը կարող է կանգնեցնել հայկական զօրքերի յառաջխաղացումը, այդ ուրախութեամբ կընդունւի Ազրբէջանի կողմից, մանաւանդ որ Ղարաբաղի հայերը, հակառակ մեզ աջակցելու համար Ղարաբաղ եկած անգլիացիների ներկայութեան, կտրականապէս ընդդիմանում են Ազրբէջանի իշխանութեան հաստատմանը այնտեղ»:

*) Այդ ժամանակները Ազրբէջանը ապրում էր գոր. Դեմիկիմի կամաւորական բանակի սպանակիւի տակ: